

BIBLIOTEKA

Zakl. Nar. Im. Ossolińskich

XVII 1350


Trancourt


et

Inf.

Memor. de

Chevalier de






APPLAVSVS,
IN FELICEM, POST
varias regiones peragratas,
in Patriam
REDITVM,

Perillustri, ac Generosi Domini, D.

THOMÆ ZAMOYSKI,
DE ZAMOSCIO, KNYSZY-
NEN: &c. &c. Capitanei:

*A studiosa juventute Scholæ Elementorum Phi-
losophiæ, & Eloquentiæ, in Academia Za-
mosceñ, honoris, & observantiæ ergo,*

FACTVS.



ZAMOSCII,

439

In Typographia Academiæ Excudebat Christophorus
Wolbramenfis, Anno Domini 1617.



INSIGNIA ZAMOSCIANA.



Quàm benè conveniunt, spatio defixa patenti,
 Arma Zamosciadùm; benè quàm supereminet ausis
 Corniger hic, loca celsa tenens, ingentibus; hercle
 Credo non magna causa sine: Sed quia semper,
 Ante alias omnes, animum, curamque virilem
 Gens ea sustinuit, triplici circumdata fulcro;
 Consilio; Pietate gravi; Virtute severa.
 Hinc meritis surgit pro tantis gloria cœlo.

Stanislaus de Zwigrod Stadnicki.

XVII - 1350 - III

Perillustri, ac Generoso Domino, D.

THOMÆ ZAMOYSKI,
DE ZAMOSCIO, KNYSZ-
ZEN: &c. &c. Capitaneo, Domino,
& Patrono suo colendissimo.



VOD nobis maximè in votis,
optatisq; fuit, Perillustri, ac Ge-
nerose Domine, illo ipso tem-
pore, cum non minùs ardenti,
quàm utili rerum pulcherrima-
rum studio incensus, in remotas, atque longo
locorum distitas interuallo, orbis terrarum re-
giones Te conferres; quò Te, feliciter exsattia-
tis tuis præclaris desiderijs, domum revenien-
tem, inclyta florentem laude, Regum magno-
rum, summorumque Tetrarcharum familiari-
tate auctum, præsentem præsentem quampri-
mum intueremur; id nos eo die esse consecu-
tos vehementer lætamur. Neque enim quic-
quam dari potest, quod animos nostros; vel
majori oblectatione demulcere; vel splendo-
re, lu-

re, luceq; sua, in admirationem abripere que-
at, augusto vultu Tuo: in quo, veluti speculo
quodam, Heroici animi; qui patriam, quâ pri-
vatim, quâ publicè egregiè sustentet, ornet,
atque illustret, summis, divinisque suis virtu-
tibus, species radiant atque promicant: quæ,
quò plurium jam oculos in se converterunt;
quò plurium linguis, ac præconijs celebrantur,
eò stabilioris Tibi laudis decus conciliant, ad-
mirabilioremque Te magis ac magis omnibus
exhibent: & nunc, faustum hunc Tuum in Pa-
triam reditum, majori applausu, & congratu-
latione, ut omnes prosequamur, impellere ma-
gis, quàm flagitare videntur. Tacitus ea nunc
prætereo, quæ, pro Patriæ, Tuæque laudis in-
crementis, iudiciô Virorum, dignitate, atque
authoritate summa præstantium, hucusq; ges-
seris: hoc Tuum tantum literarum studium,
tantus in promovendis bonis artibus fervor,
ac diligentia, mirificè nos excitat: dum nil ma-
gis cupere Te videmus, quàm studiosam nobi-
lissimæ hujus Reipub: Iuventutem huic uni in-
cumbere labori; ut Tuo beneficio, cùm hone-
stissimis moribus imbuta, tum optimis exculta
disci-

disciplinis, sibi honori, Patriæ emolumento,
usuique esse possit. Cujus tanti, tamque singu-
laris beneficij Tui, omnes, qui jam aliquid in-
geniò, doctrinâ, atque exercitatione valent,
gratos sese, ac memores, uti aliàs semper, ita &
hoc ipso tempore declarant: dum exoptatissi-
mo adventu Tuo recreati, in faustas acclama-
tiones medullitus erumpunt; in Te unum om-
nem mentis, animique sui aciem defigentes.
Quorum exemplo, en nos etiam, qui primis
adhuc Philosophiæ, & Eloquentiæ præceptis,
in Academia Tua operam navamus, permoti,
in eam officij rationem lubentes descendimus:
ut, quicquid à Te gratiæ, quod certè maximū
est, in nos proficiscitur, non ore tantum, sed
etiā scriptis, grati animi nostri significationem
testatam faciamus. Minora quidem sunt hæc
longè, quàm ut Tuis immortalibus promeri-
tis; aut nostræ gratitudini conveniant: specta-
bis tamen hic pro Tua, quâ polles, prudentia,
non quod dignitatem Tuam deceat; sed quod
ingenium nostrum mediocre, nequedum satis
exercitatum, præstare possit: ratum apud te
habens illud Principis Romanæ Eloquentiæ:

EAM

EAM esse gratiæ naturam ; ut eam , & qui retu-
lerit , habere , & qui habeat , retulisse videatur .
Accipe itaq; Perillustreis , ac Generose Domine
hoc , exile quidem , Tibi tamen non indebitum ,
officij nostri symbolum , benigno , ut soles , vul-
tu : nosq; Academiæ Tuæ alumnos , consueto
benevolentia studio complectere . Eximij isti-
us Tui animi non solùm apud eos , qui nunc vi-
vunt , grata vigebit memoria : verùm etiam
apud posteros luculentum testimonium per-
manebit . Anno Domini 1 6 1 7 .

Stanislaus Zolkiewski,
Element : Philos: & Eloqu:
Studiosus.





ODE I.

Tricol: Tetraſtroph.

Q*Vêis mî quêis reſonat lætitiæ modis ,
Antêhac immodico preſſa ſilentio ,
In ſublime columnis*

Erecta, aula Zamofcij !

Tectis (ut video) grata patentibus

Inſignis recipit progeniem patris :

Dulci cujus amoris

Complexu caruit diu.

Prò quantis ſtudijs exiliat ! dum Herum

Almo jam gremio ſuſtineat ſuum :

Cunctos quanta voluptas ,

Exemplò illius , occupat !

Haud rerum facies tam benè ſplendida

Olim fulſerat ; urbs Martia , curribus

Stantes , Æmilianos

Dum ſpectaret , in arduis :

Quam

Quàm nunc sydereis promicat ignibus
Isthac, conspicuis clara viris, domus;

Quo nictantia cunq;
Praesens lumina torseris.

Præcedunt celebres, ordine sat gravi,
Antiqua geniti progenie, viri:

Certatim venerantes
Seculi grande decus sui.

Hinc, atque inde obeunt ritè suum caput,
Insignes rigido Marte, satellites:

Decertare parati,
Felici illius omine.

Atergo comitum subsequitur cohors,
Latè fusa locis, imperijs Heri

Assuefacta: voluntas

Quam nutu subito regit.

Altis prospiciens ex penetralibus
Parnassi Aonidum turba, Deo sacra,

Gressum Heroa ferentem:

Dulces pectore concipit

Sensus: Meonios atque ciens modos,
Lauro deproperat Chalcidicâ, boni

Quàm presaga futuri!
Ejus tempora cingere.

Cætu ille in medio progreditur virum,
Splendoris radios, sol veluti, procul
Spargens; verterit in se ut
Aspectum insimul omnium;
Nec non attonitos reddiderit stupor
Vultus: sic celeres ad se oculos rapit
Interserta nitentem
Fulgens gemma per annulum.
Non mortalis inest vultus ei. vident
Cervix pulchra micat: splendet & aureum
Os: fulgorque oculorum
Certat lumine syderum:
Malarum decori purpureum decus
Cedit Sidonij muricis. Incluta
O ingens Patriæ spes,
Ut verè omnia te decent!
Ut sublimis honos, ac reverentia,
Majestate gravem per faciem, nitet!
Haud incerta futuri
Nobis signa ferens boni.
Ex nostro nec enim pectore decedit;
Qualem te Getici Martis in artibus,
Dulci floridus ævo;
Aut pace in media domi

Cunctis prestitereis : primitias lubens,
Iustis pro meritis, dum Patria dares
Virtutis generosa, ac
Multum fertilis ingeni.
Majori juvenis laude Themistocles
Haud ornatus erat; dum, in Marathonio
Campo, cum hoste superbo
Fortes consereret manus:
Romanus parens, Tullius, eloqui,
Ascitus Procerum concilio gravi;
Dum firmare Quirites
Cæpit consilio suo:
Quam tu; dum rabie Martis in horrida;
Sed pacis placida tempore, strenuus,
Alta mente parentem, &
Factis exprimeres tuum.
Hac à te juvenis dum fueras: modò,
Rebus postquam animum, jam magis ac magis
Instructum, & cumulatam,
Ad nos in Patriam feras:
O quantam segetem, mentibus intimis,
De te concipimus, laudis Olympica;
Quæ ex virtute potenti,
Adutum veniet tibi.

Salve

*Salve jam Patrij praesidium laris :
Salve dulce Domus subsidium tuae :
Salve magna Camæna
Spes nostra , ac decus inclytum .*

*Martinus Wybrano-wski
Element : Phil: & Eloqu:
Studiosus.*

ODE II.

Tricol: Tetrastrroph.

C*Lio , supremi progenies Jovis ,
Descende cælo , precipiti gradu :
Et Lesbijs te barbitis da
Perfacilem , neque non benignam.
Desideratus Dîjs Patrijs , quoque
Cælo Polono redditur en : boni ,
Quem duxit externas in oras
Percupiens animus sciendi.
In lucis auras editus haud sibi ,
Sed Patria : non ducere spiritum
In glorium , delegit ; instar
Civis , inertia quem occupârit :*

Verum parentis facta per ardua
Ultro secutus; Mnemosynis choris
Postquam litasset, Martijſque,
Occiduas peragrauit oras.
Illum fuit nil vincere quod potens
Esset; rati seu verreret aquora;
Seu se daret terris apricis:
Omnia perpetier paratus.
Turgente ponto vicerat Africum,
Savis strepentem multum Aquilonibus:
Timenda terrarum pericla
Vicerat; haud tamen ipse victus.
Vclut Promethêi progenies, sacris
Deducta regnis, fertur in arduas
Arces Olympi sponte; vinculis
Concita nec cohibetur ullis:
Sic & tenacem propositi virum
Non derelinquunt cepta prius, quam eis
Fruges laborum larga constet,
Omnigena, celebrisſque laudis.
Facet procellas Æolus horridas:
Trisulca vibret tela Diespiter:
Fractusſque collabatur orbis:
Impavidum ferient ruina.

Inivicta

Inviſta virtus hac tua pectori
Succrevit almo, ducta per inſitum
Stirpis vigorem: quam periculis
In Patria dabijs probaſti.
Mentem futuri quis benè præſciam,
Quantum neceſſe eſt, concelebreſt tuam;
Perſpexeris dum cautus urbes
Magnificas, hominumque mores?
Amœna multos Heſperia loca
Vidère, Ulyſſei perſimiles gregis;
Paucos, reſerrent qui, cavendi
Pectore, Ulyſſea perſpicacem.
Tu, providenti conſilio, virum
Laërte cretum, rebus in exteris,
Rectos ad uſus ſervocandis,
Terque, quaterque reſers, & ultra.
Sorti ille quondam ſuccubuit miſer;
Dum, turbulentis vela regens Notis,
Delapſus eſſet, plena technis,
Ad juga montis aprica Circeſ.
Hæc namque Solis nata, potentibus
Herbis, ſodales illius induit
Vultus ferarum in ſævientes:
Poſt dominum tenuit per annum.

Hæc



*Hæc tu malorum transgredieris freta,
Victorque pergis tramite, quem tulit
Prudentia magna tua lux,
Quem & genius bonus occinebas.
Æstate tanquam mellificans apis
Latè vireti pervolitat loca:
Succos tamen non libat herbis;
Sint nisi odorifera, aut salubres:
Sic tu remotas, imperijs, plagas,
Regumque mentes imparidas tuens:
Tantum hæc notasti mente solers,
Quæ procul à vitio fuere.
Doctrina vires promovet insitas:
Rectique cultus pectora roborat:
Utraque Diva sunt potentes,
Judiciò sapientis auræ.
Ibis virili pectore jam acrior
Sævos in hostes: victor & ad tuos
Latus redibis; jamque figes
Signa tholo peritura nunquam.*

*Gaspardus Lysakowski;
Element: Phil: & Eloqu:
Studiofus.*

ODE III.

Dicol: Tetrastroph.

I*N*termiffa diu rumpe fientia,
Phæbo grata, Chelys, fauftaque gaudia,
Optato ex reditu nata Zamoscij,
Dulci concine carmine.

Latos hofce dies collibus in fuis
Ponit quifque: quibus, functa laboribus
Duris, vota bonos duxit ad exitus
Magni ftirps patris inclyta.

Hanc fortuna finu perplacido, triumph
Annorum fpatiô, fovit, avi bonâ,
Per lunaque vaga, fofis & aurei
Deduxit varias vias.

Ufquam nec fidei jura refixerat:
Ut multos homines eſt ſcia fallere;
Arridet facie conſpicuâ quibus,
Tum quos auget honoribus.

Ergo, ne careat pulchra dies notâ,
Index latitiæ tendat in æthera
Paan: ſolve dapes, pectore fervido,
Votivas ſuperum Patri.

Ornus cœu folijs orba, faventibus
Auris, dum recipit lata suum decus,
Mirum! quantum aveat membra per extima,
Pulchro germine frondium:
Cunctis sic animo crescit alacritas,
Proles Lechiadum Dia, Zamosce: dum
Nobis restituis te, tibi nos quoque,
Orbos presidio tuo.

Lentas atè moras rumpere fas foret:
Fas multò antè lares visere patrios:
Fas dotes animi in facta dare; agnitas
Pridem syderibus poli.

Tanta incommoda non ultimus incola,
Hostis per profugi sulphureas faces,
Sensisset; nimium præteriti memor,

Quantis (proh dolor) ingemit.
Capta infecta animus sed vetuit, boni
Gnarus: prospiciens hoc magè serijs,
Nec non magnificis rebus; Olympicas
Quêis olim ferias domos.

Vires eja tuas, omine prospero,
Urge, quò genius te movet impiger,
Immortale decus gentis, & inclyta,

O, tutela Polonia.

Joannes Oranski,
Elem: Phil: & Eloq: Stud.

ODE IV.

Dicol: Distroph.

E T thure, & fidium modis,
Argutum melos, & dulce sonantibus,
Festos ducere nunc dies:

Nunc ornare Dei templa juvat, juvat,
Phæbi frondibus entheis.

Cunctis tempus enim suæve, jubar velut,
Affulsit, rutili ætheris;

Quo votis fruimur, jam nimium diu
Optatis: redijt nepos

Postquam Sarmatie, gente Zamoscius,
Felix in proprios lares.

Veris perplacido tempore, candidi
Dum soles melius nitent;

Spirat dumque tepens aura Favonij:
Sumunt cuncta decus novum.

Molli prata virent gramine, floribus
Rident versicoloribus:

Tum gemmis pariter pullulat, explicans
Latè, sylva vicens, comas:

Fucundo resonat tum modulamine

Concentūs, regio atheris,
Permultū tremulis grata volucris :
Sic praeordia gestiunt,
Delibuta novis latitia modis ;
Ut conspeximus, inclyte
Heros, conspicuo lumine splendidam
Virtutum, faciem tuam.
Caeli Russiaci tu nitidissima
Lampas ; luce tuā loca
Collustrans, tenebris mersa ferocibus
Immensa querimonix ;
Auras in tennes disjiciens procul
Nubes mæstitia graves.
Tu blandum Zephyri pncunia ; tepentibus
Auris efficiens sine
Atrā nube dies ; ac revocans simul
Vita ad munia pristina
Omnes, tempus ad hoc exanimis ferē.
Tu numen, veniens quasi
Cælō, cuncta tuis restituens bona.
Sanē sensimus optinē ;
Quid nobis tribuas ; quid quoque nos tibi
Deberemus, ut expedit :
Virtute absque tua, duximus anxij
Cum

Cum infuaves, nimium diu,
 Auras aethereo semine. sensimus,
 Mœrore ac fuimus graves.

Quassabatque magis pectora quod dolor
 Nostra: hoc interea magis

Cernendi studium, sensibus intimis,
 Et flammæ capimus tui.

Evæ Castalium plectra sonent melos:
 Præsentem agitare fas

Luces, lætitiâ, cantibus, & lyris.

Jacobus Bojano-wski,
 Element: Phil: & Eloqu:
 Studiosus.

ODE V.

Dicol: Distroph.

Qvem tu perennis claritas fama virum
 Ad facta nobilissima
 Erexis, nascendi in ipso limine:
 Haud ulla res represserit
 Illum, decore plurimum gaudens suo,
 Virtutis ætæo tramite:

*At celsa contendet poli cacumina
Summo ferire vertice.
En , per recessus cordis imos , gloria
Ardore tactus fervido
Zamoscius : non usitatâ cûilibet
Pennâ , gradum celsissimo
Conatur ejus collocare in culmine.
Non stirpis illum amplissima
Illustre nomen , consecratum seculis :
Non fama prestantissimi
Parentis , aternum vicens , jactantiâ
Ejusmodi sufflauerit ;
Ut , otio pigro , nimis volubiles
Vita meatus falleret ;
Trophæa percensens , feris ex hostibus
Relata victrici manu.
Non suppetens rerum omnium affluentia
Graves procul curas tulit.
Rerum inclytarum exacta nec scientia ,
Insigne munus Cœlitum :
Non singularis civium propensio hanc
Conjecit in fidentiam ;
Ut , dignitatis conscius suæ , gradum
Virtutis intersisteret.*

Hec

*Hac namque fortuna , ingenique commoda,
Large tributa, comperit ,
In efficacem vita opem mortalibus ;
Non verò in ullum obstaculum :
Quapropter illis , ceu quibusdam alis , citò
Subvectus in cœli plagas ,
Huc per laborum fertur ac illuc satus,
Sublimè , cursu præpeti ,
Virtutis innixus potenti arbitrio.*

*Urgent eum urgent maximam
Ad dignitatem gloria , Patris sui ,
Unaque cara Patria ,
Collata signa cum hostibus sævis ,
Frequenter , ac feliciter ;
Quiete nec leni sinunt unquam frui :
Perinde ut olim floridum
Annis Neoclidem celebris torserat
Summi Ducis victoria.*

*Primæva testis ejus ætas integrè
Peracta : quam prout semel
Cultura virtutum , artiumque , gnaviter
Excepit ; à conatibus
Sic proprijs latum nec unguem desilît.
Quinimo opus frenis foret ,*

Refle-

Reflecleres si promptè cuntem ad ardua.
 Laudata crevit strenuè
Virtus, decora honoribus scientiæ.
 . . . Atque altiùs pectus suum
Eduxit actutum paterno limine;
 Tentanda seu pericula
Pro civium chara salute, ac Patria
 Pro pace jucundissima
Essent; agendum seu domi prudentiâ
 Res flagitaret publica:
Industriam utrobiq̃ue declarans suam,
 Splendore solis clariùs.
Huc spectat indagatio legum anxia,
 Longis locorum tractibus
Quasita; nec non urbium spectacula;
 Solersq̃ue morum notio:
Huc summa Regum, illustriumq̃ue pertinet
 Necessitudo Principum;
Ut, de sua multò magis Republica,
 Hinc promerendi colligat
Et inde qualibet juvamina, in sinu ac
 Almo recondat pectoris.
O ardor efficax perennis gloria!
 Quid non potes? quas ô tui
 In men-

In mentibus mortalium figis faces!

Urge Zamosci urge gradum:

Est nulla virtuti tuæ via invia.

Splendore quâ sol aureo

Illustrat oras, haud negatas gentibus:

Semper tui laus nominis

Sonabit, atque gloriæ præconia

Per ora summorum virum.

Gastarus Stapko-wski,

Elem: & Philos: Eloqu:

Studiosus.

ODE VI.

Dicol: Tetrastroph.

Qui felicitis eos nomine censeat
Indignos, celebri sanguine nobiles
Vix qui subeunt limina: cecior
Sanè Tiresiâ foret.

Idem nostra licet corpora spiritus,
Emissus, foveat, sedibus atheris:

Tantum inter reliquos attamen eminent
Sublimi genere editi:

Quan-

Quantum conifera summa cacumina
Cupressi superant, aëreis jugis
Jda Dardania, concavioribus

Acceptas salices locis.

Nimirum rosci ceu nitidissima
Phœbi lux reliquis syderibus præest;
Lumen perpetuò suppeditans eis,
Nunquam deficiens, suum:

Majores voluit non aliter poli
Numen, consilio cuncta regens bono,
Terris esse viros; auxilio inclyto

Qui mortale juvant genus.

At quamvis rutilent conspicuis viri
Majorum titulis; fulgidaque insuper
Præstringant meritis sydera proprijs,

Claro ortu memorabiles:

Urbes si varias terrigenum tamen,
Mores & varios perspiciant simul,
Jura illos lateant nec varia urbium,

Terre censuerim Deos.

Nam si gens hominum prisca putaverit
Illos eximia stirpe Deum satos;
Invenere aliquod qui, sapientie

Suasa, vite opus utile:

Nullis

Nullis hoc melius conveniet decus ;
Quàm qui multiplicem , pectore masculo ,
Rerum extrà capiunt experientiam,
Ritu Narycij ducis.

Vnum ferre solum non valet omnia.
Fœcunda hinc Cerevis surgere munera ;
Vvas inde meri conspicias : una nec
Est industria gentibus.

Hæc dura nimium militiæ tenax :
Vindex illa mali perpetuò manet :
Hûic cordi pietas : hûic mediocritas :
Illi autem pudor insitus.

Hæc rerum facies candida quem precor
Mortalem specie non capiat sui ?
Quem non pelliciat , sollicitô quoque
Cuncta hæc ut studiô colat ?

Quòd si prævalidas exitio dari
Vrbes ; aut etiam regna potentia
Convelli , rabidis seditionibus ,
Vita sive licentiâ,
Advertas : memori mente locaveris ,
Tanti causa mali quæ fuerit : simul
Hanc arcere sacris à laribus scias :
Fies sic nec inutilis.

Sic quondam imperij vincla Laconici,
Effrenata nimis, conditor optimus
Legum complicuit: dum Mareoticas
Emensus fuerit plagas.

Sic rebus proprijs Romulida quoque,
Per bis quinque viros, de medio sui
Lectos, profuerant: Cecropias ubi
Leges compererint bene.

Horum te numero clara Lamoscia
Gentis progenies accumulans probè:
Dum messes Patriæ corde vehis pio,
Collectam in regionibus.

Lustrasti celebres Teutonicas viris
Urbes: aquorea ac sceptrâ Britannia:
Gallorumque, Italumque insuper inclyta,
Consedere quibus, loca.

Nec pavisse fuit lumina sat tibi:
Nî res inde simul perciperes, salus
Quæis stat nixa diu publica; tum à quibus
Permultum caveat sibi.

Mirati studium sollicitum, & flagrans,
Querendis placida pacis in artibus,
Ac belli, rutilant qui diademate,
Quique his sunt similes, viri.

*At tu, lata velut sceptrigeri Jovis
Ales semper iter promovet arduum,
Immensis spatijs; dum Zephyrus levat
Illam subsidio levi:*

*Incrementa stupor quò caperet magis,
Movisti celeres amplius hoc gradus;
Artes egregias perspiciciens, quibus
Omni tempore sit locus.*

*Quod natura tibi contulit insita:
Quod doctrina, quod ipsa experientia
Suffecit: Patria nunc age alacriter
Vsus confer in optimos.*

*Ingentes dabitur sollicitudines,
Et curas vigiles pectore vincere
Forti: fas etiam tangere vertice
Laudum culmina maxima.*

*Gasparus Bergemanus,
Element: Phil: & Eloqu:
Studiosus.*

ODE VII.

Tricol: Tristroph.

NÆ rebus ille consulit suis benè;
 Nititur ad superos
 Quicunque Cœlitum choros,
 His passibus vite suavis, ad modum &
 Prætereuntis aquæ:
 Quæis tu Zamosci nixus es.
 Nequaquam enim potis fuisti dispari
 Orbitâ iter premere
 Vernantis ætatis tuæ:
 Hanc præter ipse quàm optimè trivit sator;
 Proposuitque tibi
 Gnato revolvendam unico.
 Multos, minùs rerum exterarum, idoneos
 Usibus, elicere
 Solent suam extra Patriam
 Ferventis ardor sanguinis: quos nil lucri
 Inde referre juvat,
 Nil commodi; præter grave, ac
 Insigne detrimentum inestimabilis
 Temporis, ac animum
 Exoticis plenum malis.
 Ætas enim tenella patrijs priùs
 Nè laribus fuerit
 Probis referta moribus;

Exculta

Exculta nec non dogmatis scientia:

Mente quod arripuit

Foris, medullitus tenet.

Tantum recens rerum valet jucunditas,

Cerea in exitium

Nimis, rudem cum offenderit.

Hinc illa messis Patriæ supervenit:

Optimus agricola

Ex sentibus qualem legit.

Procul fuisti tu ô procul vir inclyte

A rationibus his

Vita: fuit dum atas vicens.

Nam cassus est, ac indecorus is labor,

Pectore solcito,

Captare ab exteris ea;

Quæis commodissimè quæas, dulcissimo

In Patriæ gremio,

Potirier cum fœnore.

Proinde tu pectus referstisti tuum

Artibus ingenuis,

Musis bonam mentem applicans:

Leges quoque am sanctas notasti insigniter,

Pax pia, tuta salus

Rei quibus stat publica:

*Vt inde quisque prosperum indolis tuae
Ceperit augurium,*

Rebus futuris annuens.

Sic collocatis institutis Patria

Mente probe memori,

Sanctissimisque moribus:

Statim petisti dissitas orbis plagas;

Judicio celeri

Visurus urbes splendidas.

Quamvis ad unguem cuncta tu haec cognoveras,

Quae bona cunque foris

Extant, labore usus gravi:

Major tamen cum luminum vis, quam aurium

Esse, eadem, solet,

Coram expetisti cernere.

Olim ferebatur, gradu quam prae peti!

Copia Grajugenium

Olympica ad certamina;

Spectatum abunde industriam mentis cata, &

Corporis eximias

Vires, in exemplum sibi:

Tu obtutum porro tenaci lumine

Climata pervaria,

Qua se Hesperus praecipit agit,

Lustrans

Lustrans ; probasti industriam simul tuam
Gentibus, ingenuas

Dotes aprico proferens.

Stupore præ suo stetit Rhenus loco :

Oceanique sinus :

Rhoda fluenta, & Tybridis.

Dulcem ruebant in tui amplexum viri,

Germine progeniti

Regum vetusta originis :

Ac pluribus donis, in aeternum sua

Pignus amicitiae,

Te reddidère splendidum.

Felicitatis parte, cæ quantùm tui,

Et pariter patrij,

Auxili decoris gloriam !

Divi secudent perpetim Zamosce, qui

Te sibi conciliant :

Paremque proferant Patri.

Te te sonanti Musa plectro concinet

Nostra, sub aethereas

Uebens plagas sydus suum :

Idem placere gestiens tibi ;

Magnanimo veluti

Tyrinthio olim Gracia.

Gregorius Christophoricus,
Elem: Phil: & Eloq: Stud.

ODE VIII.


Monocolos.

Rerum Conditor omnium perennis,
Solutus qui regis omnia, & gubernas;
Sol quacunque suo nitore lustrat:
Numen auxiliare, Numen alium,
Votis supplicibus Tuum precamur;
Thomam, Sarmatiae decus, Zamoscum,
Ac gentis pariter suae celebre,
Successu facias frui secundo.
Qui quamvis Patriam, togâ, sagoque
Fuvisset benè, nomen & per ora
Immortale suum dedisset, almis
Cultus moribus, artiumque rectis
Præceptis Patrio solo refertus:
Fundamenta velut, satis venusta,
Fecit Te duce; res seû Minervâ,
Seu Mavorte fero fuit gerenda:
Prodesset tamen ut magis, magisque,
Pacis temporibus, periculi que,
Se se contulit exteris in oras,
Fretus consilio Tuo salubri.

Clariss


Claris ac regionibus, simulque
Probis moribus, haud nec institutis
Multis, Hesperio sub axe, visis,
Factis mente celebribus notatis:
Sospes in Patrios lares revénit;
Solerti ingenio, fide tenaci,
Sano consilio, manu potenti,
Cunctis dotibus usque profuturus.
Ergo fac, valeat diu, ac benignis
Vita muneribus lubens fruatur:
Quò civem gerat, & patrem suorum,
Latis auspicijs; suumque nomen
Factis inserat arduis Olympo.
Votis da placidum exitum rogamus,
Rerum Conditor omnium perennis.

Wilhelmus More,
Element: Phil: & Eloqu:
Studiosus.





1146



484

8119
6

